

玉

海

八十四

玉海卷第一百七十

浚儀王應麟伯厚甫

宮室

門闕

唐虔化門

高祖紀十一月丙辰克京城甲子入京師封唐王以
武德殿爲丞相府視事于虔化門

太極殿左

唐立武門

會要武德二年正月

一云五年正月辛丑

賜羣臣大射於玄武

門

在紫宸殿之北

貞觀十六年九月九日

又賜五品以上射

於玄武門十八年二月十七日

辛酉

召三品以上賜宴

於玄武門賜飛白書顯慶元年正月御玄武門餞蔥
山總管權知節神龍三年八月二十一日改玄武門
爲神武制勝樓貞元五年正月十九日班宏修玄武
樓八年新作玄武門 實錄高祖武德元年十一月
甲子宴旋師及骨咄祿於玄武門四年四月壬寅宴
北討將士八年三月丁酉宴羣臣太宗貞觀十一年
正月戊申宴長安父老十四年正月己酉宴羣臣及
吐谷渾王十八年正月丙戌宴蕃使二月辛酉宴三
品已上高宗永徽五年四月癸巳宴羣臣並於玄武

門 通鑑貞觀七年正月癸巳宴三品以上及州牧

蠻夷於玄武門奏北德九功舞

太宗作詩見御製

蠻夷十餘

種自請率舞

蘇世長傳高祖授玉山屯監引見玄

武門

兵志貞觀十二年始置左右屯營於玄武門

領以諸衛將軍

中宗紀景龍三年二月己丑幸玄

武門

唐旌門

蘇世長傳從獵涇陽大獲帝入旌門詔左右曰今日

畋樂乎

儀衛志大和初有司奏命將征討有大功

獻俘馘樂作至御樓前陳兵仗于旌門外二十步樂

工步行兵部尚書介冑執鉞于旌門中路前導協律郎執麾門外分導奏樂畢太常卿退樂工立于旌門外引俘馘入獻及稱賀俘囚出乃退

唐京城皇城門

見城類 百官志門下省城門郎四人掌京城皇城

宮殿諸門開闔之節武德五年置門僕八百人番上

送管鑰 六典城門郎掌京城皇城宮殿諸門開闔

之節奉其管鑰而出納之

明德等門為京城門朱雀等門為皇城門承天等門

為官城門嘉德等門為官門太極等門為殿門通內等門並同上閤門

開則先外而後

內闔則先內而後外所以重中禁尊皇居也候其晨

皆擊鼓之節而啟閉之凡皇城官城闔門之鑰先酉
而出後戌而入開門之鑰後丑而出夜盡而入京城
闔門之鑰後申而出先子而入開門之鑰後子而出
先卯而人若非其時而命啟閉則詣閣覆奏奉旨合
符而開闔之 會要至德三年正月二十七日改安
上門曰先天門及坊門有安字者悉改俄復舊

唐立德門

會要貞觀三年三月三日賜羣臣大射於立德門

唐弘教門

崇明門

又見元會及儲宮類

金液門

會要貞觀十七年十一月二十八日皇孫生宴官寮

於弘教門

東宮六典云在紫宸殿左
孝敬爲太子改爲崇教門

長慶二年十

二月冊皇太子御紫宸殿

故事御宣政

是日備宮縣於殿

廷列內仗於兩閣門內羣臣辨色序立於宣政門外

俄就外廊食訖始入自月華門列位於正衙辰後一

刻方入閣太子步自崇明門以官僚翼從進至龍墀

東面再拜受冊乃歸崇明門幕殿羣臣退詣崇明門

謁太子太和八年十月十七日皇太子與太師相見

前一日開崇明門

舊史太和八年十月皇太子見太師路隋於崇明門

開成二

年四月敕師保賓客詹事每朔望詣崇明門

莊恪太子傳聞

成三年詔官臣詣
崇明門謁朔望

太宗紀貞觀二十三年三月丁

卯命皇太子聽政于金液門 禮志皇太子加玄服

設賓次於重明門外

武德九年六月改東宮弘禮嘉德門爲重光宣明門

唐司門式 門籍 見符節類

百官志司門郎中掌門闕出入之籍 顏真卿傳太

宗勤勞庶政其司門式曰無門籍者有急奏令監司

與仗家引對不得關礙防壅蔽也置立仗馬二須乘

者聽此其平治天下也 會要景雲二年六月敕南

衙北門及諸門進狀及降墨敕皆畫題時刻夜題更

籌

唐章武門

段志玄傳與宇文士及勒兵衛章武門太宗夜遣使至二將軍所士及披戶納使志玄拒曰軍門夜不開使者示手詔曰夜不能辨比明太宗歎曰眞將軍周亞夫何以加 呂溫贊風謐霜凝嚴扃達晨天子之使駐車軍門

唐北門

兵志貞觀初擇善射者百人爲三番於北門長上官志乾封以後始號北門學士 元萬頃傳武后諷

帝召諸儒論譔禁中朝廷疑議表疏皆密使參處以分宰相權故時謂北門學士 張昌齡傳奏豫北門修撰 桓彥範傳時中宗每北門起居因得謁陳祕計

唐北闕

實錄貞觀二十年十月司空玄齡及將作大匠立德大營北闕制顯道門觀並成

唐承天門

實錄太宗貞觀十七年四月丙戌立太子御承天門大赦睿宗景雲元年七月己巳御承天門皇太子詣

朝堂受冊二年十一月戊子御承天門宴突厥玄宗

開元元年九月庚辰

一云己卯

宴王公百僚于承天門二

年六月丙寅吐蕃獻盟書御承天門樓引見六年十

一月丙申謁太廟迴御承天門賜文武官有差武宗

會昌五年正月辛亥郊御承天門大赦睿宗紀安

國相王卽位于承天門

景雲元年六月甲辰

六典承天門蓋

古之外朝元正冬至燕會受朝則御以聽政

見官類

儀衛志承天門內則左右衛挾門隊列東西廊下

門外則左右驍衛挾門隊列東西廊下天子升路黃

門侍郎前奏請發鑾駕動警蹕鼓傳音駕出承天門

李朝隱傳遷長安令宦官干請曳去之睿宗後御承天門對百官及朝集使褒論其能王琚傳從帝至承天樓下誅蕭岑

唐安福門

實錄高宗永徽三年二月甲寅上御安福門樓觀百戲乙卯謂侍臣曰昨登樓欲觀人情及風俗奢儉非

爲聲樂已焚鞠杜胡人窺望之情睿宗太極元年正

月辛未朔御安福門宴突厥延和元年卽太極元年七月

庚申御安福門宴羣公卿士設太常九部樂玄宗先

天元年卽延和元年九月乙亥上皇御安福門賜羣公卿

士射 睿宗紀先天元年正月辛卯幸安福門觀酺

七月己卯幸安福門觀樂

二年正月望夜燃燈帝御延喜安福門縱觀

會要先天元年九月九日御安福門賜公卿射二年

三月三日太上皇御安福門觀百僚射至八日乃止

列傳郭子儀自涇陽入朝御安福門待之樓上朝

見及薨御安福門哭之

見舊史

武元衡爲西川節度

使憲宗御安福門慰遣之 杜元穎爲西川節度使

長慶三年十月

帝御安福門臨餞

安福門在皇城西門之北

唐京師九門觀

又見城類

高宗紀永徽五年十月癸卯築京師羅郭起觀于九

門會要永徽五年十一月十一日用雍州夫四萬
一千人修京師羅城郭三十日畢九門各施觀明德
觀五門工部尙書閤立德爲使開元十八年四月一
日築京城九十日畢 六典工部郎中京城左河華
右隴坻前終南後九巖南面三門中曰明德左曰啟
夏右曰安化至德三年正月
改安化爲達禮東面三門中曰春明北
曰通化南曰延興西南三門中曰金光北曰開遠南
曰延平北面無門

唐肅章門

肅德言傳以經授太子高宗立乘輿至肅章門

太極殿右

引見禮遇隆重由是晉府及東宮舊臣子孫並增秩
賜金 通典冊內命婦三品以上設冊按便次於肅
章門外

唐光順門

實錄

兼本紀

高宗龍朔三年十月辛巳詔皇太子五日

一至光順門

在紫宸殿右

監諸司奏事小事決之

紀

肅宗

乾元三年正月丙寅外命婦朝皇后於光順門內殿

代宗永泰元年九月庚寅觀浮屠象于光順門

紀 穆

宗元和十五年七月乙巳詔今月六日是朕載誕之
辰奉迎皇太后於宮中上壽其日百僚命婦宜於光

順門進名參賀朕於光順門內殿與百僚相見永爲

常式

舊紀

敬宗長慶四年二月乙巳上率羣臣詣光順

門冊皇太后

舊紀

文宗太和元年十一月甲申日南至

宰臣率百僚詣光順門朝賀皇太后二年正月戊申

朔百僚赴光順門起居七年正月己丑朔含元朝畢

百僚赴光順門賀皇太后 代宗女傳嘉豐公主與

普寧公主同降有司具冊禮光順門 韋綬傳穆宗

時綬建白帝誕日先詣光順門賀皇太后然後上皇

帝壽 藝文志大明宮光順門外東都明福門外皆

創集賢書院

百官志開元十一年光順門外置麗正書院十二年東都明福門外亦置

王
海
卷一百七十
韓愈論舉選詣光順門奏狀

唐章善明福門 明德門

會要文明元年九月五日令五品以上清官日於章
善明福門待制證聖元年以員半千王勣爲弘文館
學士與著作路敬淳分日於明德門待制

傳作顯福門

唐定鼎門

會要長壽元年九月神都改造文昌臺及定鼎上東
等城門修築外郭並鳳閣侍郎李昭德所制 列傳
李昭德武后營神都規創文昌臺及定鼎上東諸門
標置華壯 張柬之還襄州中宗賦詩祖道詔羣臣